

## Hypermanganas kalicus.

### *Manganoversurt Kali.*

Crystalla tenuia, metallice splendentia, atropurpurea vel nigra, odoris expertia, sapore subdulci et adstringenti. In Aqvae partibus sedecim solvantur, Aqvam colore splendido et coccineo tingentia. Serventur in vase bene obturato.

## Indigo.

*Color indicus D. 50.*

*(Indigo vel Pigmentum indicum Sv. 45)*

### *Indigo.*

Indigoferae variae species.

Frusta irregularia vel quadrata, colore saturate caeruleo, fragilia, fractura aequalia et opaca, ungue fricata colore cuprino vel aureo nitentia, Aqva leviora. In Aqva, Spiritu, Aethere, Oleis solvi non possunt, in Acido sulphurico fumanti colore saturate caeruleo solvuntur; combusta ne nimis cineris relinquant.

## Infusum Digitalis.

### *Fingerbolleblade-Infus.*

R. Foliorum Digitalis minutim concisorum partem  
 unam; ..... 1  
 affundatur in vase tecto antea calefacto  
 Aqvae communis bullientis ..... q. s.  
 ut post digestionem per quartam partem horae inter agitationem saepe repetitam, deinde colationem decantationemque  
 partes centum ..... 100  
 efficiantur.  
 Paretur ex tempore.

## Infusum Rhei alkalinum.

*Tinctura Rhei aqvosa, Anima Rhei D. 50.*

(*Infusum Rhei Sv. 45. Infusum Radicis Rheorū natronatum N. 54).*

### *Rhabarber-Draaber.*

R. Radicis Rhei in taleolas tenuissimas concisae et pulvere liberatae partes viginti quinque, .....	25
Bicarbonatis natrici partes tres; .....	3
per duodecim horas cum	
Aqvae destillatae partibus ducentis.....	200
macerentur. Liqvor, qvi, expressione levi colatus, erit partium centum septuaginta, .....	170
ebulliat; tum refrigeratus	
Aqvae Cinnamomi spirituosae partibus triginta ...	30
miscetur et in infundibulo tecto filtretur. Loco frigido, potissimum in lagunculis obturatis servetur.	
Sit e rubro fuscum et limpidum.	

## Infusum Sennae compositum.

*Aqua laxativa viennensis D. 50.*

(*Infusum Sennae compositum Sv. 45. Decoctum Foliorum Cassiarum compositum N. 54).*

### *Viener-Laxer-Drik.*

R. Fructus Coriandri contusi partes duas, .....	2
Fructus Vitis viniferae apyrenae partes quinque,...	5
Foliorum Sennae concisorum partes decem; .....	10
affundatur tanta copia Aqvae communis bullientis, ut post digestionem unius horae et expressionem insequentem colaturae partes septuaginta duae.....	72
efficiantur. In his solvantur	
Mannae partes viginti quinque, .....	25
Tartratis kalici partes tres .....	3.

Solutio colata seponatur, ut partes turbantes subsident, et decantetur. In vase clauso loco frigido servetur.

Sit limpidum et colore fusco.

## Jodetum ferrosium.

### *Jernforjod.*

R. Ferri pulverati partes tres;..... 3  
in cucurbitam vitream immissis affundantur

Aqvae destillatae partibus duodeviginti,..... 18  
deinde inter assiduam quassationem sensim addantur

Jodi partes octo ..... 8.

Ubi omne Jodum solutum erit, et liquor colorem subviridem induerit, parvo filtro separandus erit, et filtrum parva copia Aqvae abluendum.

Secundum hoc praeceptum Jodetum ferrosium ex tempore paratur. Partes quaternae (4) Jodi praebent partes quinas (5) Jodeti ferrosi. Si medicus Solutionem Jodeti ferrosi postulaverit, liquore, quem supra commemoravimus, utendum erit; sin autem Jodeto ferroso massa pilularum addenda erit, liquor paratus, qui adhibendus est, paullum evaporetur, quo facto, substantiae ad massam pilularum formandam praescriptae addantur.

## Jodetum hydrargyricum rubrum.

*Hydrargyrum bijodatium D. 50.*

*(Jodetum hydrargyricum Sv. 45. Jodetum hydrargyricum rubrum N. 54).*

### *Rødt Qvægsølvvejod.*

R. Jodeti kalici partes quinque,..... 5  
solvantur in

Aqvae destillatae partibus viginti; ..... 20  
solutioni filtratae addatur inter agitationem solutio filtrata, e